



6. Tschanteda da la suprastanza cumünela in mardi, ils 3.5.2016 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi, Jnes Barblan, Liun Quadri

Absaints:

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 1.110 Dumanda permiss d'ustaria Susana Maria Melo Paiva Neves
4. 1.090 Cas zona da pos dals 21.03.2016
5. 8.300 Recuors cunter quint taxa da turissem 2015
6. 7.100 Surdeda lavuors schlargiamaint Susauna, 1. etappa
7. 8.000 Proget digitel pasculs vachas mamma, decisiun da fer part
8. 7.810 Ramassamaint da cadavers ARA Engiadin'Ota, acceptaziun clew da scumpart cuosts d'investiziun
9. 7.900 Revisiun parziela planisaziun locala, surdeda da lavuors da planiseder
10. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 13.04.2016 vain approvu unanimamaing.

48 0.210 Annunzchas da fabrica

Pernisch Roman	spustamaint da la chamanna d'aviöls movibla	parcella nr. 583, Bügl Suot
Ertevels Reto Marugg	refer piazza davaunt stalla	parcella nr. 268, Grischuns
Quattervals SA	nouva furmaziun entreda lung la via cumünela	parcella nr. 36, Somvih

49 0.211 Dumanda da fabrica Giacomelli Claudia e Reto, nouva lucarna

La suprastanza piglia cugnuschentscha da la dumanda da Claudia e Reto Giacomelli per eriger üna nouva lucarna sül tet da la chesa sün parcella nr. 616 a Cinuos-chel. La suprastanza decida unanimamaing da conceder il permiss da fabrica giavüscho.

**50 0.211 Dumanda da fabrica
IN LAIN Holzmanufaktur Cadonau AG, nouv magazin**

La firma IN LAIN Holzmanufaktur Cadonau AG ho inoltro üna dumanda da fabrica per eriger ün nouv magazin sün parcella nr. 700 in Serlas. Zieva cuorta discussiun decida la suprastanza unanimamaing da conceder il permiss da fabrica giavüscho.

**51 1.110 Permiss butias/ustarias
Dumanda permiss d'ustaria Susana Maria Melo Paiva Neves**

Ad üna dumanda da Susana Maria Melo Paiva Neves per mner la gestiun da restoraziun dal restorant Prasüras aderesch la suprastanza unanimamaing. La taxa pel permiss vain fixeda sün fr. 300.00.

**52 1.090 Giuridicziun
Cas zona da pos dals 21.03.2016**

La suprastanza vain orientada davart ün surpassamaint da la ledscha da fabrica dals 21.03.2016 in Laret, artichel 28, zonas da pos, denunzcho dal guardgiasulvaschina. Zieva avoir do la pussibilitad al culpabel da piglier pusiziun (dret da gnir udieu), decida la suprastanza unanimamaing da multer il surpassamaint cun fr. 200.00. Impü dessan gnir chargios ils cuosts supplementers al culpabel.

**53 8.300 Turissem e cura
Recuors cunter quint taxa da turissem 2015**

La suprastanza piglia cugnuschentscha d'ün recuors regard il quint da la taxa da turissem 2015. Il recurrent fo valair, cha la chesa vain nüzageda daspö l'an 2000 scu edifizis per la firma cun sez a S-chanf e muossa sü cha la firma es activa. Zieva differents sclarimaints s'ho stuvieu constater, cha'l recurrent es annunzcho in Germania e cha la chesa es gnida nüzageda daspö l'an 2'000 taunt scu sez da la firma ma eir scu chesa d'abiter. Daspö ils 01.07.2015 vain la chesa nüzageda scu seguond'abitaziun e sez da l'affer. Zieva cuorta discussiun decida la suprastanza unanimamaing da refüser il recuors e d'inchascher eir la part da la taxa per l'affer.

**54 7.100 Chanalisaziun/sarinera
Surdeda lavuors schlargiamaint Susauna 1. etappa**

Resguardand il post i'l preventiv 2016 e la deliberaziun dal credit da la radunanza cumünela dals 25.04.2016 surdo la suprastanza unanimamaing las seguaintas lavuors in connex cul schlargiamaint dals indrizzs per l'allontanamaint da l'ova persa e pel provedimaint da l'ova potabla in Susauna, arsalv cha'l permiss da fabrica vain approvo dal chantun; las lavuors d'impressari a la firma Angelini SA, S-chanf per l'import offert da fr.536'352.85; las lavuors da sanitari a la firma Vitali Haustechnik AG, Zuoz per l'import offert da fr. 83'492.65 e las lavuors da cuvrida a la firma Hew SA, Zernez per l'import offert da fr.124'736.25. Tar la surdeda s'ho resguardo las offertas economicamaing las pü favuraivlas.

**55 8.000 Agricoltura
Proget digitel pasculs vachas mamma, decisiun da fer part**

La societad d'alps e lattaria Segl haun gieu l'iniziativa d'elavurer ün proget per digitaliser ils pasculs e da publicher quels sün la pagina d'internet da la destinaziun turistica per infurmer a nos giasts ils lös chi vain pasculo liber. L'ideja es, cha tuot las vschinaunchas da la destinaziun, nempe las vschinaunchas da Zernez fin Malögia faun part a quist proget. La suprastanza piglia cugnuschentscha da l'offerta. Ils cuosts per metter in funcziun s'amuntan a fr. 30'591.00. Ziev'anameda discussiun decida la suprastanza unanimamaing da fer part al proget e decida da deliberer il credit da fr. 2'955.60.

56 7.810 Alluntanamaint cadavers
Ramassamaint da cadavers ARA Engiadin'Ota, acceptaziun clew
da scumpart cuosts d'investiziun

La suprastanza piglia cugnuschentscha, cha hoz vegnan gestiunos ils ramassamaints da cadavers tar l'ara Furnatsch e tar l'ara Sax. Cun la fabrica da la nouv'ara in Furnatsch, dess gnir fabricho ün nouv deposit e gestiuno in quel lö il ramassamaint da cadavers futur. Ils cuosts da fabrica s'amuntan totelmaing a fr. 425'000.00. La part cha'l chantun subvenziunescha importa fr. 200'000.00. Uschè restan per las vschinaunchas investiziuns nettas da fr. 225'000.00. San Murezzan nu fo part, siand cha quella vschinauncha organisescha già hoz insembel cun la vschinauncha da Silvaplauna il ramassamaint. Tenor preventiv es previs, cha nossa vschinauncha ho da surpiglier cuosts d'investiziuns ill'otezza da fr. 12'903.00. Ils cuosts da gestiun annuels s'amuntan per nossa vschinauncha sün fr. 688.00, düraunt il temp dal provisor chi vain eret düraunt la fabrica da la nouv'ara Furnatsch es da fer quint cun cuosts annuels da fr. 813.00. Zieva cuorta discussiun decida la suprastanza unanimamaing d'accepter la clew da scumpart preschanteda.

57 7.900 Planisaziun dal territori cumünel
Revisiun parziela planisaziun locala, surdeda da lavuors da
planiseder

Per fer las lavuors da planisaziun in connex cun la revisiun parziela da la planisaziun locala s'ho piglio aint ün'offerta dal planiseder cumünel. La suprastanza decida unanimamaing da surder la lavur dal planiseder a la firma Stauffer und Studach da Cuira pel predschi offert da fr. 9'700.00.

58 9.999 Varia

Il president spiega, cha Gian Fadri Carpanetti ho do la desditta da sia piazza süls 31.07.2016. Cun que vain publicheda pros mamaing la piazza libra. Inavaunt orientescha'l, cha la piazza libra da la secretaria dal büro da turissem dess medemmamaing gnir publiched a cun ün pensum da 50%.

Inavaunt infurmescha'l, chi s'ho decis da gestiuner be auncha ün lö pel ramassamaint da las immundizchas verdas. A partir da dalum maina la populaziun da Zuoz las immundizchas d'üert tal ramassamaint in Bos-chetta Plauna.

Da prümvaira s'ho constato, cha l'ova tar l'alp Vaüglia Suot nun es gnida serreda giò l'ova sur inviern e que ho chaschuno ün dan d'ova. Siand cha la societad da pasculs ed alps es respunsabla per las ovas da las alps, annunzcha quella il dan a la sgüraunza da respunsabilitad.

In gövgia ils 26.05.2016 ho lö prubabelmaing üna radunanza orientativa regard la decisiun da fer part a la nouv'organisaziun turistica e regard la revisiun totela da la ledscha da champagna, pasculs ed alps. La prosma radunanza cumünela ho lö ils 22.06.2016.

A las 21.00 vain la tschanteda alveda.

In buna fè

:

L'actuar:

D. Schwenninger